

漳州府志

卷十八(廿二册内)

三五公司所藏

ル 5
3438
18



門 九 5
號 3438
卷 18

漳州府志卷之三十一 人物四

○明列傳下 乾隆志卷三十九

周宗起 林日瑞 章文炳

周宗起洪武十八年進士任寺丞靖難兵入父子俱自投

琴川死有室廬墳墓在椽潭 按周氏後裔無傳史遂逸其名相傳未樂改元宗族

懼誅悉皆逃散去

林日瑞字浴元詔安人登萬歷丙辰進士歷任皆有能聲

嘗分守寧紹捍築海塘移守湖東道以城玉山及賑饑

功改叅憲江西又平妖賊張普徽以功累陞陝西左布

政時寇陷河南關中震動日瑞乃由襄鄧陝虢行數千

早稻田大學圖書館
32.4.16
藏書

里無人之地以入秦尋擢都御史開府甘州會總制孫
傅庭新敗而京師復告急日瑞乃以西邊兵道勤王到
蒲州奉旨解嚴西還道逢王老虎唱亂關山一鼓平之
比至甘州綏銀已陷賊長驅臨洮而西日瑞乃以精兵
扼河河水合賊渡河堅壁相守持二十餘日殺傷過當
賊衆將引還有謀者陶萬樑爲賊說瑞瑞斬之賊帥賀
錦怒乃築長圍以困我分番更息而我師晝夜負甲不
少休經數日天大雪士皆指墮無能戰者故羌部種落
引賊上城遂陷賊執日瑞於文廟中猶勸之降日瑞罵
賊不休賊副之事聞朝廷贈兵部尚書予祭葬特祠世

襲錦衣時麾下張飛虎淳浦人以武科進士歷官甘肅

中軍城陷亦不屈被剛一家殲焉

杭人祀日瑞於西湖春秋不絕

章文炳字明會長泰人萬歷癸丑進士以員外郎出守重
慶摘奸發伏興賢育才川人方之孝肅文翁天啟元年
以遼事東征復調發川兵土彘早畜異志九月十七日
炳陪巡撫徐可求點兵教場土酋樊龍樊虎等乘機呼
噪遂殺徐可求及陪巡道駱日升文炳挺身罵賊亦遇
害賊黨夏允中素慕炳威德以美材殮之檢其內囊敝
衣數襲而已賊嘆息羅拜事聞贈太僕寺卿蔭子千戶

續傳

前志論曰周宗起林日瑞俱以死殉國忠矣榆林既
敗寧慶莊涼一時俱歿三月而至甘州秦風之勁安
在哉君子以甘肅之敗非日瑞之不能也文炳罵賊
而死能使賊感其德而慕其廉忠與清兼者耶

黃道周

蔡春溶

賴繼瑾

趙士超

毛玉潔

王仍幹

張紹科

徐明彬

楊天宰

洪思

黃道周字幼元漳浦之銅山人少負奇節以孝聞當神廟
時天下猶乂安道周見儒術日下皇綱不振憂天下將
亂年十四慨然有四方之志不肯治博士業抵博羅謁
韓大夫日續韓家多異書得盡覽所未見嘗即席酒酣

援筆立就羅浮山賦數千言名大噪天啟二年第進士
選庶吉士歷編修監修國史實錄故事經筵展書官奉
書膝行道周謂膝行非禮也平步進魏璫目攝之不為
動未幾乞歸葬父北山結廬其下所謂石養山者也旋
丁內艱服除還朝崇正三年典試浙江以神宗實錄成
晉右中允明年冬故相錢龍錫坐袁崇煥事被逮媒孽
者且興大獄天子怒不測道周草疏救之貶秩鐫三級
而龍錫卒得減死科臣有郢道周者撫浙江試事蜚語
上聞疏乞休許之濱行上小人勿用疏蓋指輔臣溫體
仁周延儒也上怒削籍還浙江學者聞道周至則大喜

爲築大滌書院而稟學焉留數月乃去歸石養山日展拜墓左如新喪時踰年以有司請講學于郡治紫陽祠門人自遠而至可千人乙亥詔起補原官丁丑分校禮闈遂具疏乞休不允時方久旱五日內繫兩尚書道周疏請慎喜怒以回天意六月又上疏曰陛下下詔求言省刑清獄然方求言而建言者輒斥方清獄而下獄者旋聞當此南北交訌柰何與市井細民申勃礮之談修睚眦之隙乎時溫體仁方招奸人興東林復社之獄故道周言及之晉左諭德掌司經局疏詞有三罪四恥七不如語時鄭鄆方以杖母大誣道周言文章意氣臣不如錢謙益鄭鄆上得疏愕異令台陳嚴旨切責道周孝謹風節高天下而嚴冷剛方不諧流俗大臣多畏而忌之時方擇宮僚楊廷麟馮元颺並推讓道周閣臣張志發當國摘不如鄭鄆語爲口實擯道周不與同僚遂稱病乞休不許遷少詹事侍經筵會鄭三俊下吏講官黃景昉救之道周上疏推獎旨下切責再疏以支飾譴道周前有疏纂述洪範等書未就乞寬假數月去有旨得卒業時楊嗣昌奪情入閣陳新甲奪情起宣大總督方一藻以遼撫議和道周草疏分劾同日上之上持三疏不下召對平臺上疑其有所爲而爲道周奏辨未畢嗣

如錢謙益鄭鄆上得疏愕異令台陳嚴旨切責道周孝謹風節高天下而嚴冷剛方不諧流俗大臣多畏而忌之時方擇宮僚楊廷麟馮元颺並推讓道周閣臣張志發當國摘不如鄭鄆語爲口實擯道周不與同僚遂稱病乞休不許遷少詹事侍經筵會鄭三俊下吏講官黃景昉救之道周上疏推獎旨下切責再疏以支飾譴道周前有疏纂述洪範等書未就乞寬假數月去有旨得卒業時楊嗣昌奪情入閣陳新甲奪情起宣大總督方一藻以遼撫議和道周草疏分劾同日上之上持三疏不下召對平臺上疑其有所爲而爲道周奏辨未畢嗣

昌從旁撫鄭事詆道周道周奏大臣聞彈義當退避
未有御前爭辨不容小臣盡言者嗣昌則佯謝請去上
因曰爾言不如鄭鄭何也對曰臣言文章不如鄭鄭耳
又曰爾言陳新甲走邪徑托捷足果遣人行賂耶道周
言人心邪則行徑皆邪上又曰喪固凶禮豈遭喪者盡
不祥之人乎道周曰古三年之喪君不呼其門自謂凶
人不祥故兵禮鑿凶門而出奪情在邊疆則可在中樞
則不可中樞猶可在政府則不可駁問久之上因曰少
正卯言偽而辨行僻而堅故不免聖人之誅向以爾爲
偏激不圖今日恣肆如此一生學問止成佞口耳道周

叩首伏地請辨忠佞二字上曰非輕加爾佞但所問在
此所對在彼非佞而何叱而退御筆榜朝堂示戒貶爲
江西布政司都事未任巡撫解學龍以道周才堪輔導
薦上怒疑爲黨削籍逮治詞連黃文煥陳天定董養河
俱下詔獄戶部主事葉廷秀太學生涂仲吉先後疏救
右納言馬思理左右仲吉並杖戍道周繫獄時獄吏日
奉紙筆乞書道周爲書孝經百三十在獄兩年感明夷
事著易象正方草十二圖錦衣校徵急道周恬然謂曰
俟吾畫一圖成就逮耳擁之去至北寺與仲吉廷秀對
簿受械鞠廷秀與道周實未相識囚服從容交揖通姓

名次及學龍相對噫嘻時奸黨必欲殺道周尚書劉澤深等謂道周不宜以建言誅得遣戍廣西既而嗣昌敗周延儒蔣德璟乘間爲上言得免戍復故官疏乞致仕歸講學于浦之明誠堂及江東鄴山郡邑有司遠近鄉大夫士畢至凡一再會而燕都變作福王南渡以少宰召晉秩尙書陳進取九策時馬阮亂政正人如劉宗周姜曰廣輩多擯不錄自請祭禹陵夜泊龍江夢太祖高皇帝至厲聲曰卿竟舍我去耶對曰朝廷舍臣非臣舍朝廷旣報命乞歸而南都陷舟次桐廬遇唐王相得甚歡陳四通四塞三師八友之議至福州遂首政府時政

歸鄭氏將帥觀望無肯出死力道周憤自請督師攜數諸生出信州會七建及江浙諸門人子弟之兵可四千人餉絕多亡走出師救徽見卒千二百八馬十疋持三十日糧行至婺源徽已破師遂潰被執七日不食不死復進水漿至江陵分繫諸從者獨幽禁城改繫尚膳監夜聞鐘感舊事得絕句百餘首益悲憤不食十四日猶不死時統兵大帥日夜遣客勸降故獨寬其桎梏加殊禮使得從容賦詩作字如是者三閱月三月五日騎擁過東華門坐不起曰此與高皇帝陵寢近可死矣方刑時從者跪乞數語遺家乃裂衿嚙指血大書曰綱常萬

古節義千秋天地知我家人無憂及門蔡春溶賴繼瑾

俱漳州人趙士超侯官人毛玉潔六合人六合志作至潔繼至過曹街抱

其頭哭曰師魂其少須吾郎來矣四子同時就義道周

傳首至徽門人陸自巖以千金購得之合身首殯金陵

越數載長子霓與門客趙子壁往扶櫬歸葬始道周未

第時渡釣龍江舟覆溺焉恍惚見一人前導至一殿額

曰倪黃館選時元璐名第一道周名第二一死北都一

死南都出處始終若前定然著述甚富奏疏經解詩文

旁及天文歷數共四十餘種張紹科初名煙字煙叔

變之從弟與兄齊名時號二陸黃道周始為諸生郎與

其兄弟定交深相折節也煙長道周十歲道周罷官講

學鄴山時而煙已老請執經為弟子一時驚相語曰此

河汾王孝逸也然道周必以兄事煙不哀嘗贊其像云

澹道自珍微名自尊使爾有車吾與爾為輪其道契如

此煙篤志修古學博而精凡里中諸公有所刻文字必

請主校讐著有子史與乘二十卷文集三十卷徐明

彬字晉斌漳浦人崇正庚午舉人嘗問業于榕檀書院

性狂而狷日以詩酒自放黃道周序其詩曰有國風之

不淫而去其好色有小雅之不怒而去其怨悱讒辭引

類抑志揚芬言者無咎而聞者足諷其傾慕之如此丙

戊八月狂歌痛飲甫八山一夕大醉而沒 楊天宰字
玉宸龍溪人少有才名鮮衣華飾跣躡自喜人以爲狂
黃道周酉陽戍歸後進中解當意者顧獨謂天宰善也
天宰由是登其門講學榕壇鄴山攝衣上座稱都講今
所傳問答講儀二書多天宰往復者崇正末年應貢北
學國變棄去避居碧湖之濱唐王入閩以翰林院檢討
徵不就窮約困頓寄食親友以卒 洪思字阿士龍溪
人童年隨其父及黃道周之門愛其容止謹飭稍長道
周歿日以詩歌自放不入城市時買舟過江東登鄴山
撫石翁石而去末年憫其本師文字散佚乃出以文于

江上所至士夫多重之與倡和其詩激楚多羽聲又喜
作章章其得意往往峭絕晚遁入山中卒 王仍輅字
載卿少宰志道之孫也從丹山張士楷遊每與登山巔
望大海滄纍纍下家落率妻子入球溪萬山中暮年乃
還東里舊居置一笠爲亭四面編茅障之竟老其中

前志論曰道周學貫天人行本忠孝入則言朝出則
守墓講學著書清脩自飭金陵一節堪爲殿後矣古
今名人志士傳者何限要知文章道學經濟氣節大
都微有端屬道周負其聰明氣岸直欲兼之古文不
循史漢八家詩歌不涉漢魏唐宋而博奧黜深鏤雕

古健風骨成一家矣論學宗旨於程朱精微未能洞徹要非可以博雜譏之天文歷數推驗無差幾與康節季通相後先他若論列人才敷陳軍國大政其目獻可李伯紀之流歟晚乃自收成局以文信國終焉嗚呼可不謂奇人完人者乎

陳士奇 陳 瓚 陳一韓 范 方 顏容暄

徐有度 陳 鼎 陳興言 林 珙 陳國珙

陳士奇字平人鎮海人也好學有文名舉天啟五年進士授中書舍人崇正四年考選授禮部主事擢廣西提學僉事父憂歸服闋起重慶兵備尋改貴州復督學政丁

母憂服闋起贛州兵備參議淮副使督四川學政廷臣交章薦士奇知兵十五年秋擢右僉都御史代廖大奇巡撫四川松潘兵變衆數萬士奇諭以禍福咸就撫猥黃賊十三家縱橫川東北十餘年殺掠軍民無算執少壯文其面爲軍至數十萬士奇檄副使陳其赤葛徵奇參將趙榮貴等進討屢告捷而賊狡迄不能制士奇本文人再督學政好與諸生談兵朝士以士奇知兵及秉節鉞反以文墨爲事軍政廢弛石砮女將秦良玉嘗圖全蜀形勢請益兵分守十三隘扼賊奔突置不問蜀以是擾明年十二月朝議以其不克任命龍文光代之士

奇方候代而陽平將趙光遠擁兵二萬護瑞王常浩在漢中來奔士民避難者又數萬至保寧蜀人震駭士奇馳責光遠曰若退守陽平關爲吾捍衛不惜二萬金犒軍如頓此需厚餉吾頭可斷餉不可得也光遠退屯陽平王以三千騎奔重慶明年四月文光受代士奇將行京師告變士奇自以知兵也曰必報國仇遂留駐重慶遣水師參將會英擊賊於忠州焚其舟遣趙榮貴禦賊於梁山獻忠由葫蘆壩左步右騎翼舟而上二將敗奔遂奪佛圖關陷涪州士奇徵石柱援兵不至或勸公已謝事宜去士奇不可賊抵城下擊以滾礮賊死無數二

十日夜黑雲四布賊穴地轟城陷王士奇及副使陳纒知府王行儉知縣王錫俱被執士奇大罵賊縛於教場將殺之忽雷雨晦冥咫尺不見獻忠仰而詬曰我殺人何與天事用大礮向天叢擊俄晴霽遂肆慘士奇罵不絕口而死王亦遇害

陳瓚字賓王亦鎮海人與士奇俱以談兵著乙丑與俱成進士授慈溪令邑濱海海寇劉香猖獗瓚設法禦之民獲安丁艱服闋補永嘉遷袁州司理陞戶曹出爲湖廣參議轄衡永郴桂四州時八排不靖兩廣總兵沈猶龍偏沅巡撫陳睿謨交章題授監軍道瓚乃提師搗猺穴

且困且攻七閱月而八排平會張獻忠攻破荆襄陷常
豐當事移瑣專閩湖南奉勅提調七省軍務瑣于衡永
名募得精兵六百人遂督蜀鎮溫如徵副總兵于登龍
備沅撫標周師忠參將方任龍等由星沙直趨常武誓
于軍中曰獻忠不道殘我天子民瑣與諸君受命到此
克同功敗同死剪除寇氛在此行也諸君勉之將士皆
感奮爭先遂復常武乃于大龍清化石門慈利等處圍
鄉勇以防竊發乘勝進圍澧陽連營城下賊迎戰屢北
堅壁不出瑣麾軍急攻夜登其城遂入澧陽遠近皆望
風歸正凱奏回常修器械方期迅掃湖南以圖河北未

幾岳鄂星沙繼陷獻賊復犯澧界矣瑣調蜀鎮溫如徵
守常武自以衡永茅岡萬人進援澧陽而常武復告急
乃發鳳陽兵赴常武發衡營遊擊劉以泗屯新州禦水
道茅岡副將馮時早屯公安禦襄郢俄報溫如徵已棄
城西奔常武復陷瑣背腹受敵乃嘆曰如徵誤我事壞
矣誓一決死耳乃行收兵九千人及新募弩手六百人
復還常武與賊遇於鰲山三戰三克之遂北陷重圍中
衆寡不敵師潰乃麾其帳下血戰六十里至新斗鋪爲
賊所擒過公安馬驛橋獻忠欲降之叱曰我堂堂憲臣
奉命討賊豈從汝反耶賊怒斷其手足剖肝而死遠近

聞之皆泣下與士奇死皆最烈云事聞贈都察院右副都御史予特祠賜名貞忠

陳一韓字穉卿海澄人由成均出為山西理問署彖遼州方半月流寇至州素無備一韓乃出其家財募士以守數日賊衆增至師無援城遂陷一韓提家兵巷戰而死事既平求其屍不得忽有女婦出告曰我知州官死處從而求之果得屍而女婦不復見衆皆異之

范方字介卿長泰人尚氣節天啟辛酉由同安學中式第一初任國子助教遷民部主政守御倉闖賊之入也執方令開倉方曰斷吾頭足矣倉不可啓賊殺之血洒部

署取匙開倉弗能啓乃斧之門片片碎始得入

顏容暄字孚儒年十四應學使者試奇之稱其文甲閩中

萬歷三十八年成進士由工部郎出守南陽尋改太平

及維揚所至治稱最調陝西鳳翔時秦中苦張獻忠劇

寇膺城固守城陷自剄全家俱從死禍最烈事聞贈侍

郎賜諡忠惠按明史崇正中賊陷潁州別部由壽州犯

鳳陽遂犯皇陵大肆焚掠知府顏容暄囚服匿于獄釋囚獲之容暄大罵賊杖殺之血浸石階宛如其像滌之不滅所載互異今並錄以備考

徐有度字宋斐博通經史萬歷甲申補弟子員天啓初恩

選入京考銓授順慶府經歷轉北京兵馬指揮旋除廣

東博羅縣尹未及行會國變季自成入京師有度罵賊

不屈偽太師牛金星加以極刑比死罵不絕口僕葉參
收其屍葬之

陳鼎天啓丁卯舉人癸未授同安教諭 大兵城鼎縊死

於明倫堂時順治四年也子永華奉母以逃越日托為
拚齒僧人入城求父屍負出歛葬因家同安

陳興言南靖人崇正十五年 我師圍河間遠近震恐興
言時權臨清關與總兵劉清源同知路如瀛等合力備

禦未幾被圍援不至城破同日死 探明史

林璵字敬懷少讀書喜言兵崇正末詣都御史郭維經於
福州薦授行營守備以憂歸福王時上敬天恤民理財

用人四事授分宜縣歷贛州兵備道順治二年 大師

下江西諸郡次及贛十月初四夜城陷璵巷戰被執與
妻王氏及全家老幼俱死 按明史 大師下贛州殉難

經彭期生周瑚王明汲萬發祥龔芬林琦工其宏黎遂
球之死皆特書之而璵獨缺豈郡縣乘失紀故國史亦
不得而詳耶此從洪思所作傳節採之
思與璵同時同地不為無據故書之

陳國璵字非石海澄人登崇正癸未進士未殿試歸隱漳

上蒼園足跡不履城闈戊子歲荒傾家貲賑時兩臺以
地方人才舉屢以疾辭著有易啟微及史宗直指表其
門曰清節

論曰謀人之軍師敗則死之弓甫廣王之九死不悔

義也志士仁人處顛沛之道盡矣論者或訾其不知
兵又或許其知兵皆非知本之論也天既遐終明命
國勢人心分崩離析如魚爛不可復全河決不可復
塞雖智如孫吳勇如廉白其將如之何陳穉卿以下
七人皆能致命遂志匪石厲皎皎貞操冥鴻之羽人
猶愛之矧甘心刀鋸鼎鑊糜爛其軀如常山睢陽之
壯烈天地猶爲之震怒後死者尚喋喋置議其間何
耶

李誠之 蘇元芳 林逸 盧元 陳媽生

許尚端 沈胃 許光岳 游宜 李能棟

林初 賴廷揚 廷華 張濂 王彛

王維垣 蕭舉 張奇傑 敏 蔡篆

黃文熾 紀孚兆 邱子能 沈同尚 李俊

郭照 蔡紹旦 嚴景愛 余喬烈 陳仕祿

陳應典 薛大義 姚仲敬 方一略 蔡保正

郭俊 方安榮 管錫 翁必全 戴璋

李誠之龍溪人事親以孝聞踐履篤實隱居城市中立義
學以淑鄉人不義之財弗視橫逆之怒弗加有古君子
風劉宗道嘗曰吾漳有誠之猶夜中之燈涇中之渭
蘇元芳龍溪人事母孝讓產于弟無德色永樂初以懷材

抱德薦有司敦促就道未行卒于家

林逸龍溪人篤行好學早喪父獨奉母以居兄贅居桐城逸欲請其兄及嫂同居以養母妻楊氏有難色逸對案不食楊氏感而從之兄及嫂歸逸事之甚謹私房不蓄一錢鄉人皆取則焉

盧元漳浦人父卒家貧甚鬻其子于過客以為葬費既受值矣擇日將携去元採薪山中忽拾得遺金以原值還之客墓有資父子獲完聚人間之皆感嘆

陳媽生漳浦人少女愛正統己巳盜起兄與其子俱被獲媽生奔抵賊所乞以身代兄賊怒縛其兄棄投於池須臾賊悔欲出之則俱沉于水不可見矣賊相顧咨嗟而去

許尚端沈甯詔安人俱以善事母著尚端母卒廬墓而甯能自置產業以分其弟顧性皆好義沙寇圍城舉城紛然計無所施尚端乃散家財募眾捍禦而甯奮勇突圍出請兵于潮卒成涂膺全城之功者二人有力焉涂膺事見

許光岳字分淑父鯉選明經廷試没于京師光岳聞訃徒步奔喪水陸萬里哀痛護襯歸天啓乙丑成進士任丹陽尹勤撫字省徭役踰年調平陽去之日民攀留道路

填塞尋陞戶部員外凡歲俸所入悉置田以供上世享祀餘分惠昆弟無所吝嘗建廣廈一中厰爲祠堂兩旁翼以燕室兄弟以序列居如古人東西宮之制三十餘年內外無間言鄉人豔稱其事以爲閭黨軌式云

游宜漳浦人家貧力學賣薪以養親親歿盡賣屋地以其直殯葬事兄如父不以貧廢禮家有犬乳猫之祥

李能棟字英吉西山人性孝友通經史少失怙事母許氏課督幼弟每夕繞母膝前呶唔相應與弟俱稚年補弟子員應萬歷歲薦廷試歸卽杜門註性理書不求仕進蓋不欲傾刻離親也立積散二規於家捐私租充祖祠

祀費買山以爲義塚郡守施邦曜嘉其義親執爵醕之年八十二卒祀于鄉

林初長泰人業農父適田所遇虎初望見直前以身衛父虎曳尾而退父得全鄉人異之有司以聞詔旌其孝因改其里曰旌孝

賴廷揚字陋甫七歲孤事母如嚴父兄弟二人交愛其子勝於己子卜父祖塋兆二十年登山臨水不分寒暑倡族人置大宗祭田嘗遇殍於途亟割裝備人瘞之至徒步乏食勿恤也與弟廷華並以孝友稱于世

廷華字素甫邑茂才也生而淳篤事母兄惟謹痛父早逝

終身不衣純采遇父祖諱辰必齋戒三日為父祖卜兆與廷揚芒鞋野宿隆冬劇暑不避尤好施予丁巳歲饑民奪食廷華捐糶賑之族男婦投廷華堡中避寇躬為巡偵而令族人安寢掠者聞而義之戒勿犯

張濂平和人母年未艾而眊濂不離頃刻行操几杖食必親授匙箸母痢疾劇為嘗糞置義田為族賦役費築堤二百餘丈鄉族賴之督學高賁亨表其里為揚善里

王燹字秉元龍溪人知府昇之子性至孝父嘗病痢效庾黔婁嘗糞疾果平母患目疾以舌舐之目亦明又患瘤口吮之亦愈沙寇之亂燹募人昇父樞將掩之賊猝至

撫樞呼號賊感其孝不加害廬墓側終三年母卒哀慕亦如之天順初舉懷才抱德至京不仕歸卒年八十四宏治間詔旌其門其元孫德夫孟陽俱以孝友稱

王維垣幼讀書則知大義年十四游邑庠父沒事庶母備孝撫二弟盡友一錢寸帛無所私其妻楊氏罵賊死鄉人欲上其事於官維垣止之曰此自是婦人遇變常事奈何藉此以邀朝廷之寵乎既與歲薦任孝豐教官勤于訓課豐士人至久猶思之

蕭舉龍溪人給事中璿之子性純孝事三母如一生母某氏愛之嫡母陳氏病癰舉為吮之愈嫡母尤愛之庶母

阮氏嘗撻舉舉跪受阮後亦感悟愛之如己出遇大風
雨至父墳哀號西鄰失火將及父司諫坊舉仰天大號
火遂滅郡守張公鵬以其事聞

張奇傑詔安人也爲人嚮義敢爲嘉靖間倭亂鳩族人相
地築堡守禦所全活甚衆捐產營墓祖父母已析箸每
食必呼諸弟與偕嘗教子孫云上不欠官糧下不欠私
債便刑罪不及居處一依家禮圖二十四孝子事蹟于
壁間示兒孫遇農忙時躬自持饁鄉飲酒縣請爲賓送
寇帶不敢服深衣幅巾而往子敏
敏字功伯性至孝出爲人後事本生父母無間登賢書後

非公事不見邑令過所當建白則侃侃鄉賦役多飛詭
請令清丈之以定版籍又海濱園地磽瘠不起科奸人
有謀加賦者敏與同鄉林而興力請上官罷免之旅於
京師有謁選鄉人某病篤囑敏以後事敏爲之棺斂畢
手自檢點囊中物封識之以遺其家無所失令南陵多
異政有礦徒聚夥黨作奸設方略捕其魁餘黨悉解散
所平反贖鍰盡蠲之卒于官橐如洗南陵人哀感之祀
名宦

蔡象龍溪人今海澄敦尚孝友長幼五十餘口同居共爨一
錢尺帛不入私室化及娣姒亦相和睦子五人迪達邁

廸選俱恪守家法至孫曾四世矣雍睦之風流于遠近
嘉靖間鄉耆上其事司理黃公直扁其居曰義門

黃文熾字素家貧第幼舌耕養母母病劇文熾禱于天
母遂愈思食鮮魚文熾持竿餌往釣矢足墜水死邑人
隣之後以子翼貴贈榮祿大夫

紀孚兆字道範龍溪人

今海澄

善事父母甘旨寒溫極力營

辦授徒遠村朔望必歸省母有不豫色率妻蔣氏跪問
必得其意父遺田宅悉以讓其弟居父喪廬墓三年不
入卧內一時若蔡烈林一陽皆傾心焉所著有心極圖
說妻蔣氏亦善事姑云

邱子能龍溪人事繼母得其歡心善處異母弟田宅令其
自擇撫幼姪如己子安貧好義鄉人稱之無異詞嘉靖
間詔旌其門

沈同尚詔安人事繼母孝所出二弟三妹撫之不異同母
居里閭存心忠厚嘗建豐樂橋以通病涉捨南爐已田
以開水圳宿楓亭邱舍有蔡晉者遺金邱中追其人還
之所著有家規文集及日省格言等編以子貴得封卒
祀鄉賢

李俊龍溪人性至孝年十六母潘氏寢疾醫莫能療聞其
祖良嘗割股愈母疾乃默禱于天亦割股作羹以獻母

遂愈鄉人舉其事推官黃道題其門曰奇孝子敦華亦以孝稱四明豐熙扁曰世孝

郭照龍溪人父歿家無遺貲負販為業將以所贏為二弟婚娶母曰爾長也宜先照曰兒長齋事奉佛不願娶婦也及二弟婚畢乃自娶年已近艾矣性喜談佛後以儒書示之欣然曰吾將逃佛而歸儒

蔡紹且海澄人母疾自嘗藥衣不解帶者經年兄弟早死無出以已子為之嗣撫其所生女嫁之奉嫂楊氏三十載無間言郡守汪康謚旌之

嚴景愛龍溪人幼孤事兄景成如父景成鬻貨得倭銀數片實非通倭者時禁嚴官司捕景成急景愛挺身代之拷掠無完膚竟自誣服囚繫二十年辨明得釋歸事其兄如初妻方氏亦無怨言

余喬烈詔安人賃傭養親親百餘歲齒脫所不能食者已不忍食親病衣不解帶親不能浴雖盛暑不浴也親死哀毀瘠立廬墓三年哀如初喪

陳仕祿詔安人事嫡母以孝稱其父苦風疾醫云惟蚺蛇可愈仕祿乃入山尋求月餘果得之以調藥果愈與兄分產兄數年蕩盡仕祿分所得予之兄沒兄子負債復分所得俾鬻之以償鄰里有喪而貧者成恤焉有餓婦

竊其園莛仕祿望見走避之嘆曰吾不忍其饑餓以至於斯也

陳應典漳浦舟人子少失父事母孝母病且死應典焚香祝天割股爲糜以進母病遂愈

薛大義漳浦人家貧力田以供父母病篤割股爲羹進之沒無以塋自負土壘石成墳廬墓側人稱其墓爲孝子墓

姚仲漳浦人性孝在親側無疾言遽色父喪哀毀骨立家貧結簞賣以供母母疾祈瘳無應割股和酒粥進之疾尋愈

方一略平和人不知書家貧方養母危病禱于神割股奉之而母病愈又有陳貞者亦以割股瘳繼母疾俱爲邑令旌獎云

蔡保正詔安人字端卿爲邑諸生鄉賢方平之子純孝人也守父墳有展墓千迴子心未悅之語友朋皆畏事之晚耽著作謝諸生學問詞章見推名流黃石齋爲敘其孝紀十六卷行于世

郭俊字獻傑龍溪人幼而孤居喪哀毀成人弗若也祖母病衣不解帶稍長撫其幼弟及成人分產以善者給之晚年家頗裕乃捐貲脩南橋置塚施櫬以周鄰里之貧

而不能葬者有司嘉之請于朝旌其閭

方安榮龍溪人生不知書而性最孝家貧不能得肉以養母乃以屠為業日得肉數兩以佐母飯其鄉人皆曰安榮之隱于屠孝子也母病甚割股以進後安榮病子官錫復割股和藥以進病甚愈

國朝雍正五年並祀孝子祠

翁必全衛軍也幼孤貧事母游氏至孝既娶常令妻侍母寢而已獨處一錢不私母沒哀毀三年

戴璋亦衛軍也行備以供父母得錢即市甘旨以進冬寒以身溫被抱父而寢以壽終

前志論曰孝弟天性也豈必士大夫能之哉細民宜有之余攷自誠之以下若而人間亦有學行醇至及好義趨事者而世獨稱其孝弟孝弟本也本立其餘該之矣林初當虎衛父陳媽生以死代兄士大夫猶難焉自明萬歷至今閭巷之間當更有其人而詢之故老未有聞也其可惜也夫

郭 惠 林 塤 林 維聰 林 浩 吳 梯

林 秀桂 鄭 衷 吳 霞 楊 垓 楊 煊

陳 鳶 郭 仁 陳 富 陳 遷 劉 輔仁

潘 桂芳 侯 任 吳 一浦 陳 茂馨 黎 時中

戴以讓

汪一清

鄭榮

正學

趙德懋

郭惠字邦文龍溪人元進士時晦之子居家孝友嘗著兄
 弟訓立義學樂善輕財為鄉邦推重洪武間郡守白壽
 以學行薦之授府學訓導陞廣東保昌教諭以外艱改
 增城增城遐僻人不知學乃擇少俊十數人晝夜為之
 講解其後與薦書者七人終瓊山教諭卒孫舒登進士
 別有傳

林埴漳浦人成化間歲貢授寧府審理正事王有儒雅仁
 恕之表繼事宸濠察其有異志乞歸宸濠怒而杖之婉
 言固請乃為奏聞進階長史致仕方埴之歸也人莫測

其意及宸濠叛同官俱罹於禍人始服其先見家居操
 履端嚴好學不倦壽九十終祀鄉賢

林維聰南靖人幼聰敏六歲而孤母寡守撫養訓誨領成
 化辛卯鄉薦任南昌推官有廉能聲以不得朝夕迎養
 思母輒泣下屢欲辭官察寧藩有逆志即解組歸吏部
 課其治行最將擢用不肯就人稱其慕親之孝見幾之
 哲焉

林浩字克浩龍溪人

今海澄

領正德丁卯鄉薦為人嚴毅有

節概居母喪三年未嘗入私室喪其兄不忍赴禮闈初
 令南海裁冗費均徭役勢豪無所假借卒以此取忤改

教南雄當道廉其賢檄署府篆吏胥畏憚之擢國子博士選遼府長史以禮匡王王為扁其署曰正大高明久之謝政歸家置祭田以供祀給族人貧乏之不能婚塋者子孫化之同居雍睦無間嘗築堤以障鹹水不害于田鄉人立碑頌焉卒年八十三

吳悌字大友南靖人正德十四年舉人初任宜春教諭御史高公薦其學行擢興寧縣尹簡靜愛民有富民殺人以金賂上司故欲出之悌堅執不從以此左遷後陞太常寺博士致仕俸餘悉分諸弟諸子五世同居在官舍時有猫相乳之瑞焉

林秀桂漳浦人字必芳幼有志行父歿事繼母孝正德中應貢謁選時大璫劉瑾索賄及國子生秀桂曰以賂進非士也改之南雍尋調取入選堅辭不赴歸家講易成就後學浦中明經之士以秀桂稱首

據縣志及癸酉志補入

鄭衷字世和龍溪人以孝聞正德癸酉領鄉薦丁繼母憂自傷幼年喪母禮不備復追行三年喪服除授南康知縣興學校居官清苦俸給外一毫不取以不能承奉上官謫廣德州學正陞武陵知縣致仕歸晚益嗜學築精舍於文山之坡鄉人稱為文坡先生

吳霞龍溪人

今海澄

為邑弟子員天性孝友篤志好古築小

室曰顏巷聚書讀之立祠堂以祀先祭必恪所著有射

禮輯說道原錄抄義集抄學則拾棄稿年八十一卒鶴

峯蔡烈題其墓曰古學君子

採縣志及癸酉志補入

楊垓字復一長泰人性循循自下不以意氣凌人雅好書

史不樂榮仕徵書至輒以親老辭敦禮養恬富而好行

其德鄉族婚喪不能舉者助之稱貸不能償者蠲之歲

逢大歉屢出困藏數百石賑鄉貧困復為粥以食餓者

全活甚眾實德在人以故身享耆壽備有諸福厥子九

人孫三十六曾孫八十有一貴盛為長右居族嘗自題

其小照云把詩書以自娛不為利欲之所誘教子業儒

惟勤是守足以覘其劬躬薰後之概矣晚通青烏白鶴

之術所相擇皆佳兆然無非分之求有談及者則曰積

善餘慶事不盡關地靈也以子益封文林郎浙江道監

察御史

楊煊字東渠長泰人以生員入太學例授岳州府倅致仕

歸和厚敦睦為宗人長明制有兵戍之役族配戍安陸

衛軍距家四千餘里苦特甚煊置田以資裝費諸成者

賴之族姓繁多業儒者鄉會試寡艱于資斧置田散給

亦如之子維垣光祿寺監事能繼父志設義田以贍貧

之邑人士僉謂有范希文父子之風

陳鳶龍溪人

今海澄

字碩飛幼讀書與兄英及中表林浩相

友聞莆陽王侃齋以道德淑人相與負笈從之既歸以禮自閑築舍家廟之旁非弔喪問疾不出倦時或散步郊原悠然自賞藝圃必正樹菓木必直而方對夫婦如嚴賓延納士流温和可掬時以正言格論誘人所善林克諧夫婦染疫暴卒無敢至者鳶奔往經紀其喪嘉靖丁巳寇掠月港焚毀悉盡惟鳶居無恙郡丞許鑰聞其名有所餽餉俱不受防海道周賢宣至澄訪之鳶使家人辭曰某隸公宇下編民也有公事召無相見禮不敢見疾革以治喪之禮命弟子危坐而逝

採縣志及於西志補入

郭仁字明倫應嘉靖二年貢任梧州訓導勵名節正師道

莆人林柳二姓者商於潯寄白金百餘兩久之不來仁

垂死囑其長子褒曰二商寄金原識具在其人來則與

之不來歸之郡督庶幾其子孫知而取之也褒如其命

陳富龍溪人父喪結廬墓左有紫荆之祥兄弟五人同居

共爨諸弟沒恤其孤無異已出歲饑家窘無以爲貸乃

伐木易米以給餓者天寶塘廣可數十畝先世所遺也

與鄉人共之不以自私嘉靖八年貢授永康司訓導轉

蒙陰教諭士民感其精誠凡禱雨祈雪穰蝗請必往往必

應擢周府東會王教授明年乞歸聚徒講學著澄心平

氣二箴書之座右自號古迂郡守盧壁造其廬設麥粥
啖之盧益加重明日遣吏餽米十石召里中不舉火者
分給之家人有言富諭之曰我貧猶有助彼何助乎年
七十八終萬歷二十年督學徐公檄祀於鄉

陳遷字大益宏之孫也起家學官召入爲御史出督理長
蘆鹽政疏陳鹺務因草從其言歲額外溢羨至六萬八
千公私頽焉嗣按西粵丁內艱歸遂絕意不出檢先世
遺書二萬餘卷築藏書樓徜徉其中日與古人爲緣不
知繡衣之榮也居恒恤人之困而篤于交親方在都時
比部郎郭萬程卒於邸身後蕭然爲經紀其喪復萬里

護其匱歸閩人以爲難

劉輔仁漳浦人力學能文應嘉靖庚子貢歷深州學正誨
人有方識張天馭兄弟每來叩書中疑義有未理會處
爲開譬剖晰必了了而後已後果登第所著述天馭爲
梓行事母至孝無私財弟居敬居易俱以孝友相先辛
酉饒寇至挈家逃入堡賊欲焚其屋中一賊指之曰此
劉公家五世不忍分居而忍火之乎遂引去

潘桂芳字佳植龍溪人年十六師事薛中離先生授以研
幾錄歸與從兄鳴時紬繹叅訂甲子應貢廷試第一任
錢塘泰寧兩學博士以勸學成德爲已任擢國子典簿

歷梧州別駕司厰悉以羨餘三千輸歸公帑致仕歸桂
芳天性孝友幼失怙事大母鄭及母謝悉得歡心館穀
所入爲弟妹畢婚嫁無所吝宗伯林士章重其人命子
汝詔師事之

侯任字志尹龍溪人博古能詩家貧乏授徒養親而婚其
弟薨其墓功五六喪其子不能婚不恤也嘉靖己未倭
入寇被執素聞其名不忍加害嘗與潘鳴時施仁往來
講學所著有論學大旨讀左偶見霞山雜錄同時郡學
生吳一沛與弟道濂亦好學尚行誼請陳第偕鳴時主
講芝山聽者常百餘人皆宗姚江然一時風尚不競聲

華各敦古處故足貴云

陳茂馨南靖人事父及繼母以孝著祖母林氏年九十餘
茂馨親爲櫛沐一夜三炊衣不解帶嘉靖辛酉寇陷邑
城茂馨侍之弗忍去賊至妻許氏及女二姐死焉督學
宋公儀望所傳一門三節者也以是重茂馨萬歷辛
巳貢授淮安訓導歲饑請漕撫給粥賑濟又請于巡鹽
使者賑諸貧生淮人士甚德之歷任四年講學造士家
居以古道爲鄉邦式年八十八卒祀鄉賢

黎時中字慎甫漳州衛人萬歷己卯以禮經魁閩省才名
藉甚父弗治產家落時中俯仰拮据爲弟妹昏嫁七人

凡饋問所入悉推以奉養均鋪諸弟不私藏一錢久之
窘益甚乃謁選壽昌令多善政而性狷介果於任事諸
豪猾懼發謫相率誣訟之郡遣丞案之無驗事得白然
竟左遷韶州經歷丁艱服除補潮州奉委省獄雪無辜
死罪三十餘人遷感恩令未任疾卒時中惇德尚行足
為世表竟抱坎珂以歿

戴以讓字振字龍溪人萬歷壬辰進士為大理多平反遷
戶曹時密雲兵缺餉以讓經營儲給轉輸不竭軍賴以
安因父寄詩云一肩忠孝吾兒事萬里平安老父心途
乞終養服除守温州治經倭寇蹂躪之後民多嗷嗷撫

循備至溫人沐浴膏澤立祠祀之歸建宗祠置祀田敦
宗睦族有古鄉先正遺範祀鄉賢

汪一清鎮海人嘉靖辛酉廣寇張璉破鎮海被獲已而虜
一婦人至汪視之則友人妻也因給賊曰此吾妹也請
無污以待贖不則與吾妹且碎首於此若曹何利焉賊
因置之匝月得贖歸

鄭榮字邦信龍溪人父業農命往田間每懷書以誦稍長
入郡庠以孝聞其弟性急每大書忍字以警之操履端
方言行必飭居峻林學者稱為峻林先生榮從子正學
字道獻亦狷介不妄取與為文奇警所著有家禮辨文

山十不如前論其卒也學者亦以所居地稱曰蓮潭先生

採癸酉志及縣志補入

趙德懋龍溪人隆慶庚午舉人選新興知縣建道一院以群聚人士而勤課督之邑苦驛騷德懋始為官置夫馬里中稱便縣有不決疑獄為平反之所全活甚衆植松于梓潼山以培一邑風氣父老指之曰甘棠也任三載以伉直不能諧時遷淮府審理致仕歸杜門養素以孝弟訓諸子彬彬有立經營大小宗祠置祭田仁及宗族顧自奉淡如也卒于家新興八有遺思碑

論曰三代而下士大夫能抱醇守樸不貳其心惟兩

漢稱盛如張士李石奮劉寬第五倫史氏舉其一事足使百世下頑鈍谿刻者流覽之顏頰汗下繼此者其惟有明乎兩漢以經為師明崇尚程子朱子遺書風教既成閭巷之民雖欲出於澆薄機詐而有所不忍况士大夫以名行相高者乎二林燭見宸濠之奸干未萌陳富一司訓禱所贈獲鬼神聽之劉輔五世同爨而賊不敢燬其居室孚及豚魚君子以是知篤行之為貴也

呂景鳴 朱 瑄 蔡 結 吳流川 陳 銓
林經協

呂景鳴字鳴鶴龍溪人天性孝友敦行篤學應嘉靖二十八年貢不仕以子旻貴居家杜門却掃繙書鼓琴以自娛晚與同鄉諸耆德爲洛社會非公事足不至公門恬靜簡默故以養默自號云長子杲以廩入國學嘉靖中兵變倡義全城旻自有傳孫貞萬歷癸酉順天鄉薦式歲貢知縣

朱培字懋卿漳浦人爲諸生時卽以行誼受知于督學潘潢檄致會城書院爲諸生表以子天球貴益杜門著述盛暑燕居未嘗免冠袒裼儉于自奉而侈于爲德年八十終著有巉崕詩集

蔡結龍溪人秉性醇慤父所遺產業爲仲兄耗債終無間言嘗讀書山舍逼歲除有材間女投宿結厲聲斥之生平無褻語慢容鄉人多稱之以子應科貴素衣茹淡依然寒士云

吳流川字仕宗漳浦人恬退自脩不求聞遠築室洋尾村靜居數年以勤儉訓子弟性樂施屢捐貲以助友人卽傾篋無吝焉以子華貴疏纒布帛自若也年七十六卒華癸未進士官光祿寺卿通政使孫長盛萬歷己酉舉人

陳銓字奇賢漳浦人邑弟子員天性孝友事前母兄愛敬

惇至有古人風每祭必齋遵禮而行集古人裕言善行
 為歌詞以訓子弟貧友鄭鯨沒無子銓殯葬之贍其老
 母終身子一沐有同年鄒元標疏論張江陵廷杖謫戍
 銓不遠千里賀之故鄒公每談閩士輒云筆山君子為
 敘行狀筆山者銓號也沒祀鄉賢

林經協漳浦人知府林鵬飛之父以孝友信義聞蚤遊庠
 序授徒以奉二親昆弟九人敦睦無間既受封謙謹如
 故杜絕請托有族子以事告許鄉民株連甚眾經協聞
 之盛怒為鄉人白其寃因置酒會宗族嚴約毋為非義
 晚益嗜學著書易講義省身錄等篇年九十而卒

論曰古人見路馬必式以廣敬也過里門必下車以
 誨讓也自呂景鳴已下六人皆為善于家及見子孫
 榮顯而修德不倦以敬慎敦讓垂裕後人若植嘉穀
 亦既有秋且芟夷惡草蕪崇之無為良苗害其發榮
 滋茂夫豈有窮乎

- | | | | | |
|-----|-----|-----|-----|-----|
| 薛子義 | 蔡德 | 許福海 | 徐仕耕 | 郭秉敦 |
| 劉常 | 周世綱 | 曾椿 | 陳孔叶 | 涂膺 |
| 林賁 | 陳舒 | 黃秉蘭 | 朱孟崇 | 李增 |
| 王廷樞 | 朱玉真 | 武守為 | 蔡春 | 陳約 |
| 方家楨 | 林而興 | | | |

薛子義長泰人好義樂善洪武間教諭章參興學校立書院子義捐貲助之乃捨地一所以爲學基田百畝以供生徒廩饌

蔡德龍溪人永樂間以賢良薦至京以憂歸不復仕爲人重默執禮有盜其白金一篋以去者鄰人獲之德曰彼饑寒耳減半以遺其人鄰里貧窮多所周給有爭曲直者必反覆開諭使之自解鄉人德之

許福海詔安人元時漳守羅良大興屯田備潮寇給屯戶耕牛六百頭每頭納米二石至陳友定時牛已散失而額數尚存于冊入明輸稅米不下千餘石牛戶病苦累

無已時永樂二十一年福海辭父兄入京陳奏昔嘗不允不歸成祖覽奏憫之詔曰皇考初定閩中隨調長興江陰等衛官軍分鎮戍守朕復遣侍郎夏原吉巡撫蘆葦獎政今覽福海所奏是民困而上不知縣官視福海愧矣戶部速下福建布政司盡行蠲免別行吏兵二部選方正大臣領勅前往福建巡撫凡吏弊民害盡革除之福海歸彌自矜奮晚與長泰林震爲道義交買隙地建義塾以訓鄉之子弟爲善孜孜如弗及云

徐仕耕漳浦人宣德間本縣修學宮前路偏窄仕耕捐屋地入學以闢門徑通判關諒償其值不受後鑿泮池仕

耕復割地二畝畀焉邑人義之孫鼎嘉靖庚戌進士官給事中元孫繩祖萬歷丙午舉人

郭秉敦龍溪人正統十四年鄧寇攻城秉敦輸米千餘石助防守寇滅詔旌其門

劉常長泰人敦尚禮義正統九年間更學舍自遺屋地一所以廣其址還其直不受

周世綱龍溪人登今海輕財慕義正統間鄧寇攻郡城世綱運私米四百餘石助官府防守寇滅詔旌表其門子朝

恩宏治中亦屢以家僮擒海寇功著于時曾椿字崇齡平和人性好義有幹才禎設縣治董城池諸

役勸相有方而事畢舉發私粟以振蘆溪頑民歲饑民聚黨擅開社倉相顧指椿倉曰此義倉也無犯焉以子

璋貴贈兵馬指揮陳孔叶龍溪人澄今海知書重義正統十一年饒賊千餘流劫漳浦孔叶料其必至月港遂散財倡募義勇扞木城

柵樓棚為賊備未幾賊果侵九都人家焚殺甚熾孔叶獨率眾與戰自辰至已殲其渠魁眾遂鼓勇進前復連

斬十六人賊遁去奪還被掠男婦數百人郡守鍾公湘犒以金帛孔叶不自私悉以頒之眾澄人立石紀其功

涂膺詔安人慷慨好義有謀略正統己巳沙寇作亂漳寇

乘之縣官奔入潮州詔安孤城不支膺行義世族爲衆所推乃與同邑人許尙端沈胄誓心協力爲防守計山寇以雲梯攻城膺鎔鐵汁矢石交下賊被傷死者甚衆皆披靡退明日海賊至禦亦如之爲書令沈胄乞援于潮刻期而至賊見守固援至因相怨胄遁去衆喜謝膺膺曰衆人力於某何預自潮導縣官入城地方載寧林寶漳浦人知府表之次子篤行好義嘗捐田租一百二十石充學以贍貧士歲荒煮粥以飼饑者莆士阮琳爲流賊所執將害之賁聞卽遣金賊壘琳得釋歸督學邵公銳榜其事於學宮祀鄉賢子敬嘉靖癸丑進士長沙

知府孫紹乙壬進士山東副使

陳舒龍溪人彘之子才氣跌宕以忠義自許沙寇逼郡肩圍說指揮顧斌入援自捐家貲給兵賊用雲車臨城舒募死士執長斧砍其輪城賴以全景泰元年舉于鄉以母老不仕聚徒講學戚里貧乏多賴周恤

黃秉蘭秉衡秉遜龍溪人兄弟好義天順間漳大荒發粟千餘石以濟饑民有司上其事詔旌其門

朱孟崇平和人正德間官兵征蘆溪孟崇爲首陣獲渠魁江六等府嘉其功又招撫象湖賊唐流斌等一方寧息李增字君受海澄人由歲貢生任樂昌令時九峯賊高快

馬等嘯聚環其地數千里莫不被其毒廣東江西湖廣
 爲之騷然增單騎詣賊壘招撫之知不可卽練兵爲防
 禦計正德間流賊圍攻邑城增開門迎敵追至覆船崗
 敗之明年賊造大車可載五十人憑城而登攻鄰邑乳
 源告急增赴救又敗之越歲三省會勦楚兵執平民誣
 爲盜增白兵備道王大用親驗省釋者數百人守禦征
 勦俱有法賊亦旋爲撲滅焉初增之未仕也奮志力學
 湛于易理時或聚徒則講明禮教思以移風易俗而建
 義學築石隄蓋郵亭則又能爲德于鄉云

王廷相龍溪人客廣東適鄉人林世煦等商船被兵哨獲

誣以爲賊逮繫瀕死廷相號泣代訴於官且衣食之往
 來獄中爲之滌械洗瘢兵將疑其黨也并逮之相慷慨
 就繫備嘗痛楚略無悔念久之與衆釋歸垂橐如洗任
 備鼓鑄爲生前事採舊志雜記補入及

朱玉真平和人嘉靖甲寅鴈荒玉真散粟數百石以賑饑
 平和漳浦民餓死骸骸枕籍川原玉真爲收埋之遇橋
 梁圯輒爲衆修築

武守爲漳浦人事父母孝撫孤姪如子三世同居錢帛不
 入私室每捐財穀賑內外親葬其功之喪五埋覆舟溺
 屍三十六人築堡鑿陂砌嶺路助建書院爲善如不足

云

蔡春海澄人天啓末爲邑哨官勇敢善戰七年海寇鄭芝龍遣其黨楊大孫入九都春追至威武廟隻身衝突連斬六人又從吳兆燦逆擊李魁奇親擒其魁香公老魏二老獲其戰艦自是賊聞春名輒引避九都之役賊驚潰五保人民盧舍賴春以全請於憲立碑頌之蔡以藩戰死溪尾春入火中負屍出以表其忠非唯勇士實義士也

陳約海澄人性友愛好義嘗走闕下訟其季弟寃獄二十四將之亂率族人依險樹柵衆賴以安旣而議設縣治

衙署迫隘約捐祖居充之又倡廣泮池沒祀鄉賢續傳

方家正字汝育幼孤母沈氏教之讀書入泮性好施凡濟

人利物人所憚爲者勇爲之造橋梁五曰虞古曰關津曰樹洞曰古梅曰猫獅以便行人其費不下數千金又

置田於西林朱文公祠以充祭費設祭田於宗祠置良田於鄉族買園山爲義塚而其尤難者遭亂移寓漳浦

幾不自保一日行郭外見柩纍纍五百餘悉捐貲埋之所儲旣盡妻柳氏至脫簪珥以助學使者陶宸謨嘉其仁孝爲心不可強學云

林而輿詔安人字君賓少而穎異日誦數千言爲朱尚書

天球所賞長有通才舉孝廉練于世故詔安濱海境墾地舊無科米有令某欲加賦令民歛粟千石貯倉備賑與抗言備賑所以利民若歲徵瘠地苦于輸將是反以病民也令不從又率鄉紳士力爭之事得寢鄉賦田凡三則請再議有沙厝海淹者勘得實豁其賦海潮冲崩鹽坵亦如之著為令潮州有友人避仇投與家官捕之急興憐其非罪與俱匿竟脫其難及為歸德推官多所平反獄成對囚必流涕河南饑設法賑濟于老弱尤加恤置收鬻流民子女場官為質齋以便民所全活甚衆後修睢州城得古磚數百萬於地宮中省縣官費無算

累舉卓異以疾歸卒祀于鄉

前志論曰歐陽公作一行傳謂士能以一行脩於家而益於鄉者其亦可不沒薛子義已下諸人行各著矣殆所謂匹夫慕義何處不勉者乎

張玉 唐孟元 孟遠 莊伯和 許膺善

吳汝韜 周玉質 曾崇俊 林周夫 楊應卿

陳孔志 林以靖 洪應斗 張明

張玉字世美雲霄人父謫戍北平生玉仕元為樞密知院元亡歸明太祖以裨校從征捕魚海子喇哈有功授濟南衛副千戶累陞都指揮同知事燕王于藩邸以驍果

善謀爲王所親任建文元年靖難兵起王用玉策奪北平九門撫諭城內外三日而定師將南玉曰薊州肘腋地不取將爲患遂與朱能從燕王攻拔之畧密雲至永平致其精甲以益師擢指揮僉事掌中營兵王在欒河玉請軍攻潘忠楊松于鄭州遂擒忠松盡降南軍疾趨真定以拒耿炳文玉單騎覘炳文軍得其虛實歸決計引兵擊之遂與譚淵馬雲等大破炳文軍真定城下未幾江陰侯吳高以遼東兵攻永平曹國公李景隆復引兵數十萬圍北平王獻策先援永平高遁去玉說燕王曰大寧去此不遠移軍襲取之可免後顧遂從劉家口

襲破其城還軍救北平直擣景隆營大戰破之乘勝抵城下城中兵鼓譟而出北平圍解從攻廣昌蔚州大同謀報景隆收潰卒號百萬且復至玉曰兵貴神速請先往白溝河以待之景隆兵至與戰復大敗之退師駐濟南於是中朝復以盛容代景隆將戰于東昌盛容以火器攻北軍燿圍燕王數重燕王突陣西南隅出玉失燕王所在獨身衝入陣中戰愈力手刃百數十人遂爲南軍所殺燕王從間道還諸將免冠請罪王泣下曰勝負常耳所恨失張玉也諸將皆泣玉莊重果毅筭數越人運籌制勝數言而決故上最倚信之仁宗卽位加封河

間王改謚忠武配享成祖廟庭

唐孟元孟遠兄弟龍溪人素以義概膽略稱于鄉正統十四年沙縣鄧茂七作亂糾其黨行至古蓬社值小橋不得進孟元兄弟夾橋力拒之寇傷頗多自辰至申弗得休息力不支而死時鄉社數千餘家賴其扼寇因相率渡溪無所傷二人力也及賊去衆相與收塋于西墩嘉靖三年提學邵公銳爲建祠焉

國朝雍正五年崇祀忠義祠

莊伯和正統十四年鄧茂七寇龍溪和爲賊黨所獲至赤嶺賊首張永睡欲脅使從之伯和憤罵曰沒不顧天理不懼國法而悖逆如此我爲聖朝良民安肯從賊耶賊義之不忍殺拘之三日仍逼以威伯和罵益甚遂被害同時南靖許膺善團練鄉兵遇賊於水洋頭搏戰不克爲所獲脅之從不屈亦被害膺善砥行敦古處其死也鄉人咸悼之

吳汝韜長泰人素有膽畧嘉靖戊午冬倭寇入境令蕭廷宣名義勇征之汝韜首率子姪應焉與賊對敵親刃倭二人賊益兵要擊子廷爵從子廷喬廷蘭皆戮力死戰勢不支俱遇害事寧縣令旌其一門忠勇仍給地葬之

周王質龍溪人

今海澄

嘉靖十二年山寇毒亂漳泉官兵捕

禦寇不輯府縣舉王質率鄉兵以戰斬賊首數百又奮勇追逐被傷身死事聞有司給銀以葬鄉人立祠祀焉通判陳岳復爲詩立石紀之

曾崇俊字友湖膂力絕人能帶二十餘觔刀所被銅鎗兵士服之行十餘步卽仆明嘉靖間饒平民張璉作亂督師胡宗憲合諸路兵進勦命俞大猷將兵一萬五千人取道平和崇俊入謁大猷嘉其勇畧用爲前鋒鄉導途疾走栢嵩關搗其巢穴俘斬千餘乘勝潛使之說璉黨執璉寇平班師封武功郎卒塑像祀霞湖祠

林周夫長泰人嘉靖辛酉山海賊數千攻縣屯于溪東衆

議破其營問誰敢先往者周夫請先奮勇直抵營門砍折黑旗殺賊數人因無援爲賊所傷死焉城中人望見黑旗仆衆爭向營賊竟遁走

楊應卿長泰人邑庠生慷慨喜談兵事嘉靖庚申倭寇攻縣傳梯如蟻應卿令下石屋之賊死數人城獲全明年壬戌饒寇由橫洋聲言攻縣應卿率鄉兵二百餘人突賊接戰被鎗陣亡士民哀之邑令給喪費并爲文祭焉陳孔志海澄人膂力絕人嘉靖己酉夷船直抵澄邑劫掠巡海道柯喬募勇士孔志慨然應之獨艦當先衝賊殺獲甚衆中砲死柯公立石紀其事

林以靖海澄人嘉靖己未武進士授漳州衛鎮撫饒寇犯漳以青領兵從參將楊縉禦於長泰之渡頭衝賊鋒陣亡

洪應斗海澄人郡諸生習騎射通兵法天啓壬戌武進士授福建水標把總丁卯海寇縱橫命應斗帥所部舟師南援時副總兵陳希範駐師銅山應斗屬焉賊舸將至希範日酣飲有傳倣者輒笞之應斗告以當為備不聽賊果乘風直下縱火焚舟我舟掛蓬不及眾皆遁或赴水應斗率所部獨迎敵賊艘環之應斗手刃數十人度終不得出乃抱銃自沉死希範既跳身以免反誣應斗

敗逃給事中顏繼祖具疏請恤以慰忠魂續傳

張明海澄人良家子崇正二年烽燧日起鄉里擁為兵目李之奇賊眾自昔賢登岸明裂背徑前手殲二賊援者不繼力戰而亡母劉氏早歲孀居守二孤以成立至是撫屍不哭自壯其有子也邑令余應桂請旌其間是役也壯士許界亦拒賊死焉

前志論曰能死之謂勇非徒死能也處死之謂能今所論次十餘人張玉以元功致命忠於所事餘亦慷慨捐生以赴公家之難可謂能死矣烈哉

補傳

林嚴 敦 林卓立 王穆 周潛

漸 洪 連象 吳昇 許應龍

王璣 江環 李甫文 劉行義 吳公布

陳學孝 蔡澄 張天維

林嚴字叔莊宣德己酉貢於鄉乙卯登應天賢書出教廣西修仁縣修仁僻介嶺表為遐荒陋邑嚴至即揭朱子白鹿洞條規及程畏齋日程俾諸生誦習又刻華陽范氏唐鑑真西山大學衍義崇獎名教以示後學士風丕變焉著有澹齋集十一卷讀易尊聞集二卷于敦字正倫少師事唐泰苦心力學於書無所不究正統中隨父

任舉廣西辛酉科調邵陽教諭邵為濂溪周子過化之區敦瞻仰遺烈取太極圖說伊洛遺書講解條析訓行不怠擢湖州教授脩安定舊法置經義治事二齋以薦被召卒于京師

林卓立字華山聞陳直戾講學於江東之定山里欣然渡江從之刻志勵行得慎獨宗傳歸而以省名其齋主教霞橋書院以忠信為先尤嚴義利之辨嘗與同里王伯玉沈文炳張日欽等脩明藍田鄉約倡立朱子社倉行之成化中大旱歲歉里賴以濟居民德焉日欽字敬齋比部綽之父早聞正學恬然不以科舉為意然留心世

務謂儒者學兼體用雖蓬葦韋布當使內脩已而外足
及人故平居為善于鄉孜孜不怠嘗議廢南橋請建塔
圭嶼又欲詣當道乞撤淫祠改建文信國王東湖祀以
崇德報功識者韙其言

採林氏家譜及周惇所撰傳

王穆字希謨龍溪人生而端凝質魯誦古文一篇經月始
上口迨長嫻文詞善飛白所著詩甚富以弟子員遊太
學官太平州尉士曾世為民梗穆至與之更始守正循
職曾戢不敢肆州故事凡上官遣吏至率索厚餼州人
苦之穆嚴為之制吏不得逞太平民與養利爭田界上
官檄與長吏往正之長吏穆鄉人欲右養利私囑穆穆

佯許之卒正疆界而還由是歛怨為所毀解印綬歸穆
生子孝友撫兄弟之子如子鄉族咸施惠焉先是有黃
日金者以妖術惑眾夜襲郡城不克逃歸經其里眾莫
敢誰何穆亟仗劍率族人擒以獻時年方十七云

周潛字朝彰海澄人善事父母處昆弟友愛內外無間疑
者娶林氏婦鮮兄弟外翁將畀以遺產潛不可外翁沒
躬為營塋潛秉性剛直善惡分明與謀議率吐露無隱
郡守姜諒聞其名賓為耆老事必諮而後行潛既為當
道重婦戚欲有求暮夜遣豔婢以金賄潛厲聲曰周潛
豈財色所能動者擲于地婢驚走咋舌姜聞益重其為

人卒年七十六諸昆曰洪曰漸俱以義勇稱洪字朝恩
有智畧成化間歲饑盜賊起散家財練鄉壯以保鄉
里姜諒因委捕禦克盡乃心先擒元惡餘黨次第撲滅
海波以寧溫文進之亂當事復召贊捕盜事嚴謹不妄
殺人題授迪功佐郎義官初洪嘗積粟賑饑又砌石橋
津修月波亭故其歿也鄉人爲立碑亭下云漸字朝序
幼讀書教授鄉里家貧嘗爲椽守法不妄取予長官咸
敬重之正德間寇盜鴟張人莫撻其鋒漸率兵奮擊大
破之窮追至南靖蓮花徑伏發死焉郡守爲題其墓曰

義士

採家傳
補入

連象字凱範龍溪人始祖曰南夫宋紹興間忤權相避居
郡東秀山之麓因家焉象少好學有幹才不遇隱於耕
潘尙書榮廉其名訪之談竟夕歎甚顧榮貴象不屑枉
見之榮旣夙重象會朝廷令舉所知遂以象應給郵赴
部忌者中之出爲廣東臨高巡檢時流寇秦若曾劫掠
邑境蹂躪者累月象設計攻之生擒巨魁捕斬賊徒數
十餘悉潰散因舉賢能象竟不就引疾歸結廬山中與
同志相倡和以爲樂尤好爲德于鄉卒年六十有九
吳昇字汝畏龍溪人性原五世孫也力學工文舉嘉靖元
年鄉薦初補教職丁外艱歸服闋以薦授達州知州興

水利以贍農田倡築學校每政暇自為文課諸生士民德之為建生祠報焉改知連州亦有惠政致仕歸自號三石老人

許應龍字四溪南靖人以拔貢任澄邁令邑環海為疆嘉靖三十年夏海賊連艘沿流劫掠迺城郭應龍募民兵禦之射中其酋悉衆遁去城獲全因召父老謀曰倘再至可若何父老皆曰宜亟伐石堵築石礮港石礮港者賊艘往來停泊之所也比港塞賊果至舟不得進相顧駭愕而散越歲隣邑黎獠倡亂掠營砦應龍奉長官命單騎往諭衆皆為之懼應龍逕往為開陳禍福黎獠咸

龍言服亂遂戢

孫家傳補入

王璣字欽在龍溪人由歲貢任泉州府訓導誘掖生徒循循靡倦束脩贄餽不問有無常曰行百里者半九十吾自任衣冠便知刻厲晚遂薄宦豈可毀改平生致入回邪凡遇忠臣孝子義士貞女昌言上官竭力表揚不稍闕晦門墻被教縉紳蒙誠六年如一日秩滿遷泰興教諭諸生為文勒石名宦祠壁中志久遠焉

餘何鏡山集

避權貴又嘗爭國本救屢臣薑桂之性老而愈辣焉初環未仕時族孱隣人屢凌虐其母迨貴顯鄉里咸以爲舊怨必報環悶然忘之人以此服其量討論經解宵晝不懈著詩經衍義發朱傳精蘊閩人奉爲正宗越百年後雲霄祠祀之以配子朱子謂其闡思研慮有功于後學無窮也

李甫文字經之海澄人性沉毅剛特矯然以古人自命萬歷辛卯舉人壬辰成進士任大理寺評事奉命恤刑河南有張岐嶷王質二獄經數官莫能定甫文至卽剖析疑枉民不冤出知廣西平樂府首革除中官私稅風節

凜然調桂林執法不避權貴竟以清濫餉拂總戎王鳴鶴思得劣蹟傾之無有也乃噉臺中以飛語調簡高州當是時藩司王某苛求秋糧民大譁甫文單騎往質會諸有司抗辭民艱窶狀請緩徵王領之注下下考直指不察妄加彈劾而甫文歸矣後起補山東濟南同知主鹺政商售有例金甫文却之前官王安舜恐彰已失力沮之不爲動濟南蝗災屍僵載道甫文詳陳荒議復捐俸勸賑未幾攝運司事以勞邁疾卒于官

採家傳補入

劉行義字達可漳浦人登萬歷庚戌進士授合浦令廉潔愛民時有盜採珠池者行義密捕之得大珠百餘顆聞

巡撫上諸朝以廉稱又以定狼兵有功留部先是青黎
入寇名廣西狼兵征援道徑合浦乏糧狼兵長率部下
八擁集堂上索糧行義曰少需之狼兵長拔劍瞋目而
視行義神色不動責之曰若欲反乎吾天子命吏若敢
殺予乎狼兵長大笑而去遂率屬反事聞巡撫授行義
方畧下令領糧中途伏甲收之狼兵遂定在部初授稽
勲司歷考功文選陞員外郎以忤魏璫被彈回籍後以
福建按察李嗣京薦擢惠州副使歷廣西蒼梧叅政陞
按察使湖廣陝西布政使並有惠政及于民以老告歸
卒七十六

吳公布字大生幼孤力學工詩文善書補邑弟子員屢試
鄉闈被薦不遇崇正壬午恩貢甲申後隱於北溪鱸伴
山與天定方進爲方外遊世號鱸山三逸所著有江蓀
居集詩天定序之其詩淋漓激宕善寫胸臆極饒刻之
思而歸於沉雄此之謝臯羽鄭所南云

陳學孝字子靖平和人以高等生貢入太學司成林鈺重
之監生陸萬齡等請爲魏璫建祠太學鈺力斥其悖學
孝贊之鈺放歸禍且不測學孝祖別周旋無畏後鈺嘗
語人曰爾時不可無此良友學孝雖經生而膽畧過人
明曉韜鈴歸自太學值寇擾其鄉整鄉兵擊滅之直指

漳州府志 卷之三十一
陸清源知其能因漳郡被寇檄委統兵備禦學孝至賊聞其名先引去餘平草竊寇攘甚多黃道周至比之管葛薦爲兵部職方司郎中不受陳天定與王兆熊復奏薦之授廣東兵備道不得已就職至則治兵事指畫地方使各自爲守廣東全境晏然福建白土賊圍龍巖且下守道飛檄請援學孝聞道至賊望風走追勦之陞兵備副使入

國朝督撫薦以原職起用力辭得免家居行鄉保法樹碑爲界相應援時兵燹後疾疫四起獨學孝所居鄉無恙隣鄉夜移其界碑入境內亦無恙居人遂遞移至數十

里豈疫鬼不敢犯君子鄉乎亦一奇也

蔡澄字嗣清龍溪古塘人弱冠登萬歷壬子鄉科又十三年天啓乙丑成進士主闈者方以依附權璫得相澄心非之雖受知未嘗私謁循例守部應得京朝官念堂上二人老而闒壬煬政思有以避之願補南曹以便假省明守部南選者自澄始崇正元年請急歸旋丁內艱服闋補北京職方司主事陞員外郎出爲肅州兵備僉事方是時疆圉孔棘羽檄交馳澄熟覽形勢謹斥堠核戎籍修器械多方設備不開邊釁有事則攻守並用適合機宜屢奏捷書一方賴之轉叅議調甘州甫五月而父

汀州府志 卷之三十一
訃音至歸旣終制改補湖廣叅議先是楊嗣昌以奪情
爲黃道周何楷所劾澄抵任嗣昌已先出勦楚寇賜尚
方劍便宜行事知澄與道周同里閤素相厚又爲楷媼
遂啣之令伺隙彌年無所得撫軍陳睿謨重澄才番夷
或蠢動輒令提師弭之晉廣西按察副使直指李仲熊
澄門下士也聞流寇逼京師直指檄各部入援而澄輸
粵餉以濟未幾國變直指解紐去勢益孤福王建號澄
私異半壁江山或得如東晉南宋之例每宣讀命書倍
加寅肅以塞覬覦安反側旋陞廣東叅政俄而南都不
守天命遐終聞變却餐得病逾月卒於惠州官舍年六

十有一

張天維字中賁漳浦雲霄人師事黃道周登崇正丁丑進
士初任澤州牧寬惠愛民調滄州大旱蝗天維緩摧科
以紓民困拂上官意不爲動市中米價騰亟募富商赴
登萊販運利獲數倍民爭趨之米絡驛至價頓平駙馬
府僕衛陵虐州民天維執法與之抗據他事誣陷削籍
歸旋調陞贛州守未任丁內艱當是時海內鼎沸雲霄
鎮城與莆尾城相犄角天維聯村落慎防守繕脩寨堡
之頽墮者藍關蔡嶺間數百里少寇盜蕩洗天維力也
鄉隣利病悉爲籌萬全勞勩成疾不數年卒祖文明父

斐官邑宰俱以學行稱于時

林應奎 趙懷玉 涂一榛 林端

林應奎字德澤龍溪人由嘉靖甲辰進士授戶曹監德州倉廉潔自矢却常例數百金以清介聞出為廣東僉事捐曠役金三萬五千有奇以入餉德慶一州地接廣西猺獞時作亂應奎設遊魚百艘晝夜巡禦復討平平沙峒塘茶良三峒及青籃角十三寨邊境肅然致仕歸益勵名節有厚德于鄉鄉人立碑頌之同安林希元為之記

趙懷玉字與瑤龍溪人天啓壬戌進士授廣東肇慶司本

平反穀商冤獄豁贓累數千保全甚衆時香山灣尚為倭寇所據懷王選精兵冒險以進寇撤壘降擢御史直言敢諫卒於官性孝友揭良知以示學者著有證孝說元折獄衷詞

涂一榛鎮海衛人仲吉父也萬歷甲辰進士由金壇令擢吏曹凡會墨吏一筆勾罷同官曰毋乃太刻乎一榛曰一家哭何如一路哭正謂此也初令金壇時為東林書院主故時論詆訶東林亦及一榛一榛居銓曹群小已仄目會有傾之者指為道學黨人一榛復上三疏辯直剖宣城指蹤諸好狀讀其疏者咸危顛而疏竟留中不

發又素善趙南星南星秉銓一榛爲所起總憲王永光
欲去南臺儀曹諸正人一榛持不可求光亦憾之時已
遷大理丞轉通政而南星屢以破格爲宵小所撓一榛
遂決意引病歸不一年緹騎逮周起元鄉里嗷嗷乞緹
帥寬貸一榛謂諸子曰吾卽不測便從汨羅母嘈嘈爲
然竟鬱抑以卒年六十鄉人祀之鄉賢

林端詔安人五歲喪母父繼娶生三子十四歲父亡補弟
子員旋食餼事繼母至孝嘗授徒近村一夕雷雨大作
依電光奔歸衣帽淋漓沾濕母驚問故曰逢天變恐母
不安也母歎息久之冬月母疾思食瓜端徧歷山谷忽

於良峯之麓見之繫數錢於蔓摘瓜回母食而甘之再
往取則荒煙滿目迷其故處矣疾痊人謂孝感所致子
秀芳賦性醇厚亦入邑庠寢處必懸朱子家訓疆力爲
善先是家有老樹久枯萎忽敷華結實人咸異之以爲
門戶昌熾之兆云

漳州府志卷之三十一終

<p>...</p>	<p>...</p>
<p>...</p>	<p>...</p>
<p>...</p>	<p>...</p>
<p>...</p>	<p>...</p>

11449

